

INUIT ATAQATIGIIT INATSISARTUNI



UKA2023/38
Okt.-ip 10-at 2023
Harald Bianco

Kalaallit Nunaanni pinerluttulerinermik inatsisip aamma Kalaallit Nunaanni eqqartuussisarnermik inatsisip allanngortinneqarnerat pillugit inatsisissatut siunnersuutip (Digitaliusumik innarliisarnerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, meeqqamik atoqateqarnerup pinngitsaaliinermut naligiissinneqarnera, malunnaarsarluni atoqateqarneq, upperisarsiortut aqutsisuisa atoqateqarniarlutik inuup pisariaqartitsineranik imaluunniit pinngitsuuisinnaanginneranik atornerluineri il.il.) Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut

(Inuutissarsiornermut, Niuernerumut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Siullermik qujanaq Naalalakkersusoq saqqummiussarnut.

Meeqqanik kinguaasiuutitigut innarliisarneq Inuit Ataqatiinnit akerlerilluinnaqqissaarparput, sapinngisamillu pinngitsoortinneqarsinnaanissa pingaatilluinnarlutigu.

Arajutisimangilarput ilaatigut internitsikkut (digitaliusumik) atuineri inuit pikkorissigaluttuinnarnerisa nassataanik kinguaasiuutitigut innarleeriaatsit pikkoriffigineqalernikuusut. Naak toqqaanartumik attuanninnikkut pisanngikkaluartut nalunngilarput aamma atornerlunneqartunut innarliisinnaasaqisut.

Inatsisip allanngorternerata siunertaa, tassalu digitaliusumik innarliisarnerup pinngitsoortinniarnanunat sunniuteqarluartuunissaa ullumikkumullu naleqquttuunissaa, tassuunatigut akiuiniarneq Inuit Ataqatigiinit taperserlugu isumalluarfigaarput. Naalakkersuisut tamatuminnaga pingaartitsillutik inatsisitigut allanngunerat sukatiterinerallu pissusissamisoorpoq pingaaruteqarluinnarpoq.

Kinguaasiuutitigut innarliisarnerit akiorniarlugit danmarkimi nunatsinnilu sukatiterinerit nutartiterinerillu aamma pinerluttulerinermi inatsisitigut nutarerinerit pisariaqarluinnartut uani aamma suliarineqarnerat pingaaruteqartut inissaminiittullu Inuit Ataqatigiinit isumaqarpugut.

Inissaminiipportaaq, meeqqanut 15-it inorlugit ukiulinnut (naak ilaatigut ukiukitsoq akuersisimagaluarpalluunniit) tamassuma inerteqqutaanera pinngitsaaliinertullu naleqarnera uani aamma erseqqissarneqarmat.

INUIT ATAQATIGIIT INATSIARTUNI



Nalakkersuisut pingaarutilimmik siunertaqarlutik inatsimmik kiisalu eqqartuussinermik inatsimmik allannguinerannik Inuit Ataqtigiinnit qutsaviglugit, siunnersuut ilalerparput. Ataaatsimiitalimullu susassaqtumut ingerlateqqillugu.

Qujanaq.